



Broj: 04-40-1-8/23  
Sarajevo, 09.01.2023. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

### **REDOVNI IZVJEŠTAJ** **za period od 08:30 sati 06.01.2023. do 08:30 sati 09.01.2023. godine**

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 08.01.2023. godine u 13:55 sati, od Policijske stanice Rajlovac, da je u ul. Porodice Bećirbašić br. 27., Općina Novi Grad, pronađena jedna minobacačka granata.

O primljenoj informaciji obaviješteni su pripadnici Tima za UES Federalne uprave civilne zaštite, koji su preuzeli i zbrinuli pronađeno neeksplozivno ubojno sredstvo.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 22 intervencije, od toga jednu veću i 21 manju intervenciju.

Veću intervenciju imali su dana, 08.01.2023. godine u 19:09 sati, u ul. Ivana Brkića br. 32., Općina Ilidža, gdje je došlo do požara na krovu privatne kuće. Požar je lokalizovan u 19:51 sat, a likvidiran u 20:40 sati. U gašenju požara učestvovalo je osam vatrogasaca sa tri vatrogasna vozila. Pčinjena je materijalna šteta, nije bilo povrijeđenih lica.

Manje intervencije su bile slijedeće: dvije na gašenju zapaljenog niskog rastinja, šest na gašenju zapaljenih dimnjaka, osam na gašenju zapaljenog smeća u kontejnerima, jednu na gašenju zapaljenog smeća u devastiranom objektu, jednu na gašenju otpada na otvorenom prostoru, jedan obilazak požarišta i dvije tehničke intervencije (evakuacija iz zaglavljenog lifta i otvaranje zaglavljenih vrata stana).

NAPOMENA: U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su devet intervencija od toga jednu veću i osam manjih.

Veću intervenciju imali su dana 08.01.2023. godine, u ul. Ivana Brkića br. 32., gdje je došlo do požara na krovu privatne kuće.

Manje intervencije su bile slijedeće: dvije na gašenju zapaljenog niskog rastinja, tri na gašenju zapaljenog smeća u kontejneru, jednu na gašenju zapaljenog smeća u devastiranom objektu, jednu na gašenju zapaljenog dimnjaka i jedan obilazak požarišta.

**Iz općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

**JKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodopsnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernom mjestu Bjelave je iznosila 11°C, relativna vlažnost zraka 57% a barometarski pritisak 934 hPa.

**BIHAMK:** Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH**, gradski, međugradski i željeznički saobraćaj se odvijaju po ustaljenim redovima vožnje.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a